

皇清經解

皇

清

經

解

皇清經解卷一千二百七十七

學海堂

春秋左傳補注

桐城馬進士

宗璉

馨

賈服之注左傳猶康成之注六藝精確不可移易矣其地名有京相璠爲之注釋酈元水經注引之於三家說融洽貫通左傳學思過半矣元凱集解於漢晉諸儒解未能擇善而從其地理又未能揆度遠近妄爲影附此劉光伯規過之書所由作也東吳惠先生棟遵四代之家學廣搜賈服京君之注援引秦漢子書爲證繼先儒之絕學爲左氏之功臣余服膺廿載於惠君補注間有遺漏復妄參末議焉效子慎之作解誼家法是守鄙冲遠之爲疏證曲說鮮通是亦惠君所仰望於後學者也

隱元年傳莊公寤生

眾經音義引倉頡篇云覺而有言曰寤

爲之請制

郡國志河南苑陵有制澤酈元水經注苑陵作宛

陵苑宛古字通酈元曰縣有二城二城以東悉多陂澤卽古

制澤

不義不暱

說文引作不義不𦵏𦵏與𦵏通爾雅曰𦵏膠也邵

先生晉涵曰釋詁云膠固也言不義者不能堅固故下文云

厚將崩今本作不暱杜訓暱爲親則與厚將崩之辭不相屬

矣璉案南史梁帝紀論亦作不義不𦵏

年經紀子帛

案水經淮水注游水又東北逕紀鄣故城南

故紀子帛之國是酈元以帛爲紀子名也

三年傳四月鄭祭足帥師取溫之麥秋又取成周之禾

此傳

用夏正之證賈公彥周禮正義云周雖建子爲正及其行事皆用夏之正歲

石碣諫曰 王符潛夫論曰石氏衛公族

憾而能眡者鮮矣 說文云眡目有所恨而止也戴侗六書故謂眡有忍意

五年春經公矢魚於棠 釋例曰舊說棠魯地又土地名棠本

宋地案水經注武棠亭下河水所經

六年傳納諸鄂 郡國志河南絳邑有翼城詩譜言晉穆侯遷

都於絳暨孫孝侯改絳爲翼翼爲晉之舊都酈元汾水注詳言之惟鄂地未詳世本云唐叔虞居鄂宋忠曰鄂今在大夏案大夏在晉陽縣唐叔始封之地史記晉世家晉哀侯九年

曲沃武公伐晉侯于汾旁虜哀侯是鄂地在汾旁之證計其地去晉故絳都亦不甚遠故鄂侯之子仍號爲翼侯亦鄂近翼城之證

周任有言 馬融論語注周任古之良史

八年經遇于垂 京相璠曰今濟陰句陽縣小城陽東五里有

故垂亭酈元曰小陽城在句陽城東半里許杜註未詳

傳以泰山之祜易許田 詩閟宮篇居常與許毛傳以許爲魯

西鄙之邑鄭箋以許爲許田桓元年卒以許田與鄭矣無緣

復爲魯有也魯頌多侈言之耳

公命以字爲展氏 禮記正義云適夫人之子則以五十字伯

仲爲氏若魯之仲孫季孫是也庶子妾子則以二十字爲氏

展氏臧氏是也異姓則以父祖官及所食之邑爲氏以官爲氏司馬司城是也以邑爲氏韓趙魏是也凡賜氏族者此爲卿乃賜有大功德者生賜以族若叔孫得臣是也雖公子之身若有大功德則以公子之字賜以爲族若仲遂是也其無功德死後乃賜族若無駭是也璉案仲達分晰氏族甚有條理適夫人之子伯仲爲氏惟魯然耳列國如鄭伯弟語秦伯弟鍼皆不以叔仲爲氏也

十一年傳及大逵爾疋九達謂之逵劉光伯云九道交出也杜注繫

不書于策正義云蔡邕獨斷云策簡也其制長二尺短者半之其次一長一短兩編下附鄭注中庸亦云策簡也蓋簡策

同物而異名單就一札謂之簡連編諸簡乃名爲策聘禮記
曰百名以上書于策不及百名書於方名字也字少則書簡
字多則書策璉案疏言甚晰若鄰國來告有篡弑兵荒之事
則書於策衛甯殖所謂名藏在諸侯之策如國內有亂但執
一片之簡而可書者則先書於簡南史氏執簡以往服虔注
古文篆書一簡八字是也

桓二年經取郃大鼎於宋 闕駟十三州志曰今成武縣東南
有郃城俗謂之北郃者也

糝食不鑿 詩召旻鄭箋云米之率糝十稗九鑿八侍御七正
義引九章算術云粟一石爲糝米六斗舂糝一斗爲稗九升
又去爲鑿則八升又舂爲侍御則七升生民篇正義云米之

細者乃窮於御經傳說祭祀之饌無言御米者不鑿是不用御米

鞞 詩理琤毛傳云下曰鞞上曰琤言德有度數也正義云鞞者刀削之名琤者鞘上飾下不言其飾指鞞之體故曰下曰鞞左傳正義曲從杜解云飾有上下先鞞後鞞故知鞞爲上飾鞞爲下飾顯與詩毛傳正義相背劉光伯以毛傳規杜甚當

錫鸞和鈴 禮記鄭注引韓詩內傳云鸞在衡和在軾前周禮疏引韓詩傳云升車則馬動馬動則鸞鳴鸞鳴則和應讀詩記引韓詩曰在軾曰和在軾曰鸞後漢書志補注引于寶周禮注云和鸞皆以金爲鈴

其弟以千畝之戰生 顧亭林曰千畝當依趙世家周宣王伐

戎及千畝括地志所謂在晉州岳陽縣北九十里是也閻百

詩辨之曰千畝乃周之藉田離鎬京應不甚遠括地志所言

太遠璉案郡國志太原介休有千畝聚劉昭言晉爲千畝之

戰在縣南括地志謂晉千畝在岳陽甚當是戰乃晉勝敵非

若周宣之戰乃敵勝周百詩誤以爲周宣千畝之戰證其宜

在藉田非是

怨耦曰仇 三倉云讎對也眾經音義引李巡爾疋注曰仇讎

怨之對也

三年傳芮伯 書序芮伯作旅巢命詩桑柔正義引鄭注芮伯

周同姓國在畿內

五年傳周公黑肩 荀子云周公歸周楊倞注云畿內之國亦名周周公黑肩其後也

六年傳故奉牲以告曰博碩肥腍 周禮封人歌舞牲先鄭注封人主歌舞其牲云博碩肥腍康成謂君牽牲入時隨歌舞之言其肥香以歆神也是奉牲以告乃封人奉牲而歌舞之辭

親其九族 古尚書說上至高祖下至元孫凡九族尚書歐陽說九族乃異姓杜從歐陽說正義引鄭康成辨九族宜從古尚書說甚詳當據之以解此文九族正義乃曲爲杜解何也先君獻武廢二山 杜注二山具敖也郡國志濟北盧縣有敖山

八年經祭公來 韋昭國語注祭畿內之國周公之後爲王卿士廣韻以祭爲周大夫邑名周公第五子祭伯其後以爲氏以魯爲宗國故來朝

十二年傳盟於句瀆之邱 酈元曰濮水又東與句瀆合瀆首受濮水枝渠於句陽縣東南逕句陽縣故城南春秋之穀邱也左傳以爲句瀆之邱矣

十三年傳狃於蒲騷之役 爾疋狃復也詩疏引孫炎云狃怏前事復爲也蒲騷之役在前故云狃復爲之

羅與廬戎兩軍之 酈元曰夷水導源中廬縣界東南流厯宜城西山謂之夷谿又東南逕羅川城故羅國也中廬卽廬戎國是羅與廬戎本鄰國故合謀以敗楚師章懷後漢書注中

廬故城在今襄州襄陽縣南

十四年傳伐東郊取牛首 司馬彪郡國志魯國有牛首亭劉
昭補注云宋伐鄭取牛首卽此案鄭地不得至魯國此劉昭
謬注酈元曰沙水又東南逕牛首鄉東南魯溝水出焉亦謂
之宋溝又逕陳畱縣故城南溝水上承沙河而西南流逕牛
首亭南與百尺陂水合是牛首地在陳畱縣界之證

爲廬門之椽

案呂覽楚莊王圍宋却四十里而舍於廬門之

闔是廬門乃宋外城門去宋都城四十里顏氏家訓載徐仙
民左傳音切椽爲徒緣反釋文不載但音直專反徐音葢古
音也

十六年傳壽子告之

齊詩衛宣公之子壽閔其兄汲之且見

害作憂思之詩黍離之詩是也

御覽

築王姬之館於外 後漢荀爽傳春秋之義王姬嫁齊使魯主之不以天子之尊加於諸侯也

十八年經公會齊侯於濼 說文濼齊魯閒水

莊元年經齊師遷紀邢鄆鄆 案郡國志朱虛屬北海非屬東

莞正義據釋例土地名朱虛亦屬東莞晉郡縣改屬也

三年經紀季以鄆入於齊 續通征記云女水至安平城南伏

流一十五里然後更流注北楊水城城故鄆亭也按此是鄆

亭在齊國東安平縣南十餘里

四年經享齊侯於祝邱 司馬彪郡國志曰琅邪卽邱春秋時

曰祝邱酈元曰沐水又南逕東海郡卽邱縣故春秋之祝邱

也

傳除道梁涇 酈元曰涇水又東南逕隋縣故城西

五年冬齊人來歸衛寶 史記衛世家成王舉康叔爲周司寇

賜衛寶祭器以章有德

八年傳戊葵邱 京相璠曰齊西五十里有葵邱若是無庸戊

之胡廣言汾陰有葵邱或山陽西北葵城案汾陰漢屬河東

爲晉地山陽爲邾魯二國地齊境不至此齊桓會諸侯於葵

邱杜注葵邱在陳畱外黃郡國志亦云外黃有葵邱聚案此

葵邱爲齊宋交界之境亦爲中原襟要之區故齊襄使二人

戍之若如杜注在臨淄縣西雖期年公問不至何至於作亂

京君疑之是也

田於貝邱 京相璠曰博昌縣南近澠水有地名貝邱在齊西北四十里地近又有內應故易於作亂

公孫無知虐於雍廩 史記齊世家注賈逵曰雍廩葵邱大夫昭十年傳齊渠邱實殺無知正義引鄭眾說以渠邱爲無知之邑據鄭眾說及左傳文是史記引賈注葵邱正渠邱之譌渠邱本無知邑雍廩爲渠邱大夫時無知虐之故雍廩懷憾而殺無知

九年經冬浚洙 酈元曰泗水又西南流逕魯縣分爲二流水側有一城爲二水之分會也北爲洙瀆

公敗宋師於乘邱 應劭地理風俗記曰濟陰乘氏縣故宋乘邱邑漢志泰山郡乘氏縣顏籀注公敗宋師卽此地璉案魯

師自雩門竊出以敗宋師雩門魯城門則敗宋師必在魯之
近郊括地志云乘邱在瑕邱縣西北水經泗水注泗水西南
逕魯縣北又西過瑕邱縣東瑕邱與魯縣接界則乘邱爲魯
近郊地故元凱直斷爲魯地濟陰乘氏應劭張華酈元雖皆
言爲春秋之乘邱非魯近郊故未有言魯敗宋師於此小顏
注不足据惠棟反據此以駁元凱魯地之非亦誤禮記正義
亦云乘邱魯地

傳自雩門竊出 案酈元泗水注雩門南隔水有雩壇故名曰
雩門

十一年傳公以金僕姑 呂忱字林作鏃鐸魯矢名

十二年傳蕭叔大心 新唐書宰相世系表云宋戴公子衍裔